



NAQQISSLUT

Naqqiissutigineqarpoq oqaaaseqartartup Siumut Atassullu sinnerlugu oqaaaseqartunngornera.

14. april 2016

PA2016/8

2015-imut Illassutissatut aningaasaliissutinut Inatsisissatut Siunnersuut.

(Aningaasaqarnermut Aatsitassanullu Naalakkersuisoq)

2015-imut ilassutitut anigaasaliisutinut inatsisartut inatsisissaanut **Siumumiit Atassummiillu** imatut oqaaseqassaagut.

Missingersuusiortarnermi inatsimmi § 26-imí aalajangersarneqartutut aningaasaliissutit nutaat allanguutilluunniit aamma oqaasertaliussat ukiumi aningaasanut inatsiseqarfiusumi ilassutitut aningaasaliissutinut inatsimmut ukiup tulliani saqqummiunneqartussamut ilanngunneqassapput, ilassutitut 2015-imut aningaasaliissutinut inatsisartut inatsisaatigut maanna tamanna naammassiniarneqarpoq. 2015-imut ilassutitut aningaasaliissutinut inatsisartut inatsisissaattut siunnersuut taamaalilluni kingumoortumik aningaasaliinertut isigisariaqarpoq.

Aalajangiinerit 2015-ip ingerlanerani aningaasaliissutinut allannguutissat pillugit Naalakkersuisut kiisalu Inatsisartut aningaasaqarnermut akileraartarnermullu ataatsimiititaliaata aalajangiifigisimsai ilassutitut aningaasaliissutinut inatsimmi aalajangersarneqarput.

2015-imut ilassutitut aningaasaliissutit sioqqullugit missingersuusiortoqarneratigut IST-kut 27,0 mio. Kr.-nik aamma IS-kut missingersuutini 64,0 mio. kr-nik amigartoortoqarnissaa takuneqarsinnaavoq.

2015-imut ilassutitut aningaasaliissutit suliarineqarnerini allannguuteqassapput, IST-kut 22,2 mio kr.-nik amigartoortoqarnissaa aamma IS-kut 73,0 mio. Kr.-nut allannguuteqassallutik.

Inatsisartut 2015-imut ilassutitut aningaasaliissutaat pillugit inatsisartut inatsisaannut Naalakkersuisut saqqummiussaat taperserlugu Siumumiit Atassummiillu inassutigissavarput, 2015-imut

ilassutitut aningaasaliissutinut inatsisartut inatsisaat aningaasaqarnermut akileraartarnermullu ataatsimiititaliamut aappassaaneerneqartinnani suliarineqassasoq.

Jens Immanuelsen, Siumut